

餅水齋詩集
五



餅水齋詩集卷十四

上章敦牂

新年

臘雪連春雪。新年凍未開。井眉堆作麪。屐齒滑於苔。綵仗鞭牛出。元旦立春紅。轡走馬來。雙班與轎價。利市笑重儷。蘇俗與夫以元日至五日。倍索常履之值。名曰雙班。

春水三篙淺。春泥一尺深。羊裘寒自釣。鴻爪濕難尋。冰柱詩人膽。梅花天地心。玉鑪三澗雪。何處抱青岑。鬱壘黏春勝。勾芒換歲除。碰牋無上品。禿筆不中書。隱或山能買。儲猶廬自居。到門題鳳字。不厭禮文虛。

鸚鵡地圖

西洋地毯圖。載此地爲南極下野區。新同南墨利加火地。皆爲第五大州。曾有佛郎西舟於大浪山望見有地。就之。惟平原潏潏。入夜星火瀾漫。一方無人。但見鸚鵡。名曰鸚鵡地。

精衛銜木石。爰居享鐘鼓。海水不可量。海鳥不可數。讀山海經。注蟲魚譜。鸞鳥自歌。鳳鳥自舞。謹上符瑞志。爰自湘西起鸚鵡。宋書符瑞志。鸞出丹穴。鸚起湘西。鸚鵡天開鸚鵡地。到此人門鬼門閉。千山萬水鸚鵡圖。千秋萬歲鸚鵡世。佛郎西天海空。大浪山星火紅。溫帶以下無血氣。惟見三百六十之羽蟲。同公共

母相祖宗。朝奇幕偶相雌雄。放御雲衣女。飛出自頭翁。以水爲家。神謀鬼功。以鳥名官。地絕天通。不必朝
雲歌一笛。不必詞陵賈五色。言語有鸚鵡。滄海應須置重譯。飲啄有鸚鵡。桑田徧種紅豆粒。絨札還教青
鳥傳。比鄰定是烏衣國。我聞安息西。鳥卵大於甕。如是鸚鵡地。張翥不鑿空。又聞師子國。羅處龍鬼神。如
是鸚鵡地。亦復無人民。或化杜鵑作天子。傳驛吐蕃飛鳥使。綠鵝一叫金花牀。波斯驚鳥噉羊死。乃設鳥
了帥。突遇回鶻隊。人居鵲腹中。騎出魚脊外。雁臣朝處自三呼。鸚鵡父尋來常萬拜。作經者誰首師曠。解語
者誰魯公冶。羽化者誰西天觀。自在羅羅蠻蠻。烟波渺然。綠魚羣飛。白雉孤還。鮫室虬戶。萬目不鰓。蛇洲
蜂岑。一脚踢翻。圖形於馬牛。其風之水。勒名於雀鼠同穴之山。獨不見盤皇手鑿古千秋。又不聞鄒衍口
談大九州。如是鸚鵡地。陽冰陰火無停留。將泛昆侖枯查。或乘宛渠螺舟。張帆徑度。西牛賀洲。操觚直寫。
南極地毳。受降百萬鸚鵡。如蜉蝣。若狎鵝。若狎鷗。作賦不加點。誦經不解愁。夜來夢惡何所尤。羽民毛民
相與膺膊趨郊極。郊極何所有。有麒麟鳳皇。回首鸚鵡地。惟見天風浪。浪海山蒼蒼。墨利加。黑水洋。波羅
蜜。白雲鄉。中國聖人波不揚。沙蟲猿鶴一草杭。滄江夜夜虹貫月。乃在鴉飛不到山以外。而居三千日月
萬二千天地之中央。

仲瞿字余次子鎮樓曰仲舒竝敘詩見贈於此意而懼其弗克荷也乃作此報之且爲樓歸

高陽八才子。倉舒實居首。得姓或以名。氏族譜最右。其先舒鳩氏。乃是皋陶後。華胄雖遙遙。舒城尙仍舊。
龍舒有五名。鉅鹿近北斗。氏族略。舒子平與舒鳩子。自是二圖。舒城故有龍舒。或曰舒有五名。一曰舒二

曰軍舒三日舒襄四日舒庸五日舒鳩望出軍處舒堅本簪纓楚公族有舒堅文叔爲大夫舒鮑不匹耦
晉悼公大夫有舒鮑無終述祖德有然譽兒辦則否仲閔愛仲舒津津不啻口錫嘉自可矜濟美豈云守
惟漢董太中學貫天人久弟子笑先生步舒牛馬走來詩序引漢書呂步舒仲舒之弟子也未見仲舒少
孫嘗笑仲舒之愚云云吳有今仲舒虞翻之所厚齊有蠻仲舒巴東之所訴唐有高仲舒宋瑋之所叩宋
有溫仲舒寇準之所偶思義乃顧名好學不記醜濯纓辨清濁括囊無譽咎不然此玉杯祇可覆瓿君
今悅情話是造鳳樓手親雖爾雅無仲題前和余詩有親於爾雅無稱謂之句蓋謂釋親無父之儔增一
條也字則漢書有友于作弟昆酷似惟甥舅數與敢忘祖多聞仗益友

寄題許春池進士檢書圖時爲鎮江教授

夢斷青藜太乙垣十年通籍老文園買來清俸多題帖召入中書便寫宣觸手尙餘三萬軸撐腸何止五
千言鉛黃淨本丹青引夜燭晨燈定幾番

昨歲金沙折柳條宛邱學舍隔江潮鑿檀何必庚辛枋打槳剛逢丁卯橋月旦魯說文早定風林吳詠興
難消扁舟準擬春深去橐筆琅嬛手自鈔

邱後同惠書寄示近詩並葉條生詩集卻寄

兩卷龍蛇一鯉魚今年笑口乍開初明知詞賦工無益且喜江湖迹未疎風月三千應讓爾烟波十四眇
愁予幾時使得雙雙至不爾南邨我卜居

題吳江葉校秀才改吟齋詩集

富貴逸飽煖，貧賤役聰明。與角去其齒，天公善調停。譬如熊掌魚，嗜者不兼兩。孰重而孰輕，舍魚取熊掌。忽讀改吟詩，此理悟不難。飛鳥遺之音，香草目以蘭。繁華本非願，虛空可不壞。具區三萬頃，浮雲爲之蓋。

彭甘亭有遊山詩一卷，久存僕處，曾爲題後二首。去歲祀竈日，蕭子山還婁東，附書奉寄，封題既訖，予山放棹，今春重達，前函仍爲二詩見意，竝題其歲暮雜感上元紀事諸律後。

靈運曾爲蠟屐遊，洪喬不作致書郵。傍誰門戶雙飛燕，渺此江湖一點鷗。但買黃羊醉司命，勝騎白馬取封侯。今年詩債從君借，作到梅花未肯休。祇教相憶不相逢，帶水簪山似夢中。文字因緣香火社，功名身世馬牛風。南邨卜宅清琴少，東閣招賢布被蒙。歲序崢嶸詩律細，玉鉤重尙夜航封。

青陵臺觀硯歌

硯爲阮雲臺中丞所藏，上有出陵齋三字，中丞以六書正譌攷之，知爲古文青陵臺字也。

琵琶歇絕胭脂暈，猶賸青陵臺一寸。鸚鵡紋斑斑，碧血飛鴛鴦。篆小黃泥印，石不能言鏡不圓。誰從香徑更懷輒，昔年楊柳樓臺下。今日琉璃硯匣邊，磨洗烟苔帶落葉。密字相思粉蛾貼，祇應淚滴玉蟾蜍。定有魂飛驚蛺蝶，東南初日照扶桑。西北浮雲墨瀟香，但看金谷樓頭月，莫管銅臺瓦上霜。

嘗從官尹兼借裘於送還日附呈二詩

自非沒骨花。忽入不毛地。春寒側側來。我裘亦已敝。觸熱豈襍襪。忍凍聊徒倚。既乏改爲資。實賴與共誼。遂修咄咄函。因見戀戀意。深於獻紆交。比諸釋褐例。天公念孤寒。陽春俄豔裔。此物有時還。此情何可棄。右借裘。

孟嘗東流返。連城西笑歸。暫得快自足。久假知其非。無憾君固若。有約吾敢違。皮相豈不附。毛舉幸毋譏。君看五陵迫。同學何輕肥。大夫或求帶。將軍誰解衣。彈鋏既三歎。還書仍一額。此詩非苟作。此事乃庶幾。右還裘。

讀淮南子作

妄自言尊亦可傳。著書猶臘外中篇。衰蘭已墮銅人淚。叢桂難招玉女天。千古文章出賓客。一時雞犬盡神仙。不如斟雉虛皇側。窺井恩恩八百年。

四珊瑚樹篇

吳淞總兵官楊華言。嘗泊舟澎湖之西嶼。其地海清見底。然懸絙百丈。測之不能及也。中有珊瑚樹四株。大可合抱。巨魚十數環之。若與守者。然奇姿異珍。蓋目擊也。

手不把巢父釣竿。身當坐楊僕樓船。長風汗漫破大浪。浪靜忽到清冷淵。車乾海水空見底。四珊瑚樹一海裏。陽冰陰火五千年。上天下地九萬里。是何光熊熊。九霄銜燭龍。是何形苕苕。四維斷巨鼇。水精宮對紅雲居。駭雞泣鮫負巨虛。朱鼈不浮赤鱗舞。毋乃琴高所騎之鯉魚。我思聲風木。乃臨因桓水。以比東方。

朔井蛙不可以語海。我思烽火樹。乃植積草池。以比南越王。鶴鷄不過巢一枝。何況屬實限絕域。拂蘇爛
磐石。玉樹青蔥瓊樹新。珊瑚婦人遞顏色。安論王愷二尺石。崇六七尺。除非月中桂。八萬戶所種。不然池
上桃。三千歲而貢。賜不及白花棗。樛犀獻不及丹邱。瑪瑙甕。扶搖猶幸可相依。沈淪畢竟難爲用。我聞百
年之樹在樹人。疑丞輔弼皆奇珍。鐵網恢恢不到處。海根紅殺珊瑚樹。

題陸瀟房開吟半百影詩卷

織得鏡中錦。來吹市上簾。形神相贈答。身世轉蕭條。參入六如偈。醉逢三客邀。虛空能不壞。色相莫輕描。
只道詩無敵。誰知畫不成。人非才百里。家近石三生。瀟房山當熱。令除授蘇州同守。旋以籍隸錢塘。與五
百里之例不符。被議左遷。因兩擲揄笑。無雙顧盼驚。玉池蓮葉在。何似且聞聲。

依韻奉酬彭二甘亭答贈之作

身行萬里讀萬卷。腳底胸中常戀戀。明知行路既多難。況復讀書豈能偏。新拍俗慮伸雅懷。舊詩既去新
詩來。上元細字水精夢。一笑昨夜鏡花開。鷺鳥自歌鳳鳥舞。公等錄錄陪等伍。神仙未有不英雄。如此裏
言忽輕吐。子能行之修常居。鹿盧蹠有琅嬛書。三食聊防羽陵蠹。再來豈是桃源浦。掃除方寸諸變相。山
近蓬萊苑附閭。縱未胡麻飯阮劉。也應蠟屐吹禽向。姓本是彭名亦佐。余少名佐。癸卯鄉試後始改今名。
一南一北兩點烟。洞天福地有歷劫。明月清風無價錢。何處男紅與女綠。過眼雲烟看已足。依然捫蝨坐
青山。路不可行書可讀。

陳桂堂太守信宿西湖鶴林道院次日招同劉曙布衣朱爲霖顧翰兩茂才及僧念深往會遂遊紫雲金鼓二洞有詩紀事余亦繼作

棲霞山頭霞不飛先生與霞同一棲朝霞微紅暮霞紫竹杖芒屨二三子入山一里山已高叢篁疑雨松疑濤忽地慈雲開洞府一塵不動風寥寥鳥石峯前尋小憩獨到秋豪恣遊戲先生逃暑亦逃禪白鶴分明知此意開軒促席舊山青青山與客雜醉醒恍來故人去酷吏佛日道月儒五星上山紅日三竿影下山彈指斜陽冷未知著屐定何如飢來且喫蓑衣餅是日道人餉此

松毛場訪仲瞿紅柏山莊因感雲門氏之化怡然有作竝寄仲瞿

趁著歸鴉指舊柯蓬門開處夕陽多散花劫證諸天女種樹書留郭橐駝老僕陳喜候門過眼雲烟難供養等身金石與消磨鬢絲禪榻真成識合付王郎斫地歌阮香山茶餘客話載某至西湖見一處門聯云兩口居碧水丹山妻太聰明夫太怪四面皆青嶠白骨人何寥落鬼何多正仲瞿所居處也

宋宮人斜

芙蓉本是斷腸花誰取西陵作帝家行過玉鉤橋畔路無人知有玉鉤斜

漢泉錄別圖爲瞿花農別駕題

此柳依依惜此筵丹青引裏又雲烟恩恩問過花生日六十年來十六年圖爲王蓬心太守所寫是乾隆六十年乙卯閏二月花農于役武昌時也距今嘉慶庚午恰十六年

酸鹹滋味別離時。玉笛梅花豈夢思。定有滄江虹貫月。二王書畫況題詩。謂蓬心夢樓兩先生。
如是湖山畫更難。朝朝挂笏等閒看。不須拙得杭州去。只有東坡作此官。花農方以鹽運分司改官別駕。需次杭州。

劍門關宋輔文侯牛泉墓下作

泉字伯遠。汝州魯人。以戰功積官至成德軍承宣使。紹興十七年上巳日。都統制田師中會飲諸將。秦檜使師中毒。泉明日遂卒。墓在棲霞嶺上。

兩山忽作劍器舞。中有將軍一杯土。強將之下無弱兵。奈何不死疆場死樽俎。三日糧氣如虎。三月酒毒於盤。可憐此酒持此榼。何不直抵黃龍府。

馬塍尋姜白石故居

絕妙好辭家。宮商書歲華。吹簫人不見。紅殺馬塍花。敝帚三生石。秋聲一樹鴉。東西無宿草。樽酒卽天涯。

葛嶺

直上初陽百丈臺。長空紅盪海雲開。神仙雞犬昇天去。宰相沙蟲據地來。油壁車前芳草綠。銷金鍋裏畫船灰。分明一幅丹青引。賸水殘山只費才。

七夕花神廟作

星河迢遞月嬋媛。秋諾相逢竹素園。若向天孫來乞巧。便教玉女爲傳言。夜深古樹眠流水。人靜涼螢坐

斷垣雲錦七襄絲五色。今宵先織護花幡。

鐵人

撼山難撼岳。鑄鐵莫鑄錯。壞汝萬里城。構此三字獄。爾不如金人。排立秦咸陽。亦不如銅人。雙攬漢建章。且不如石人。青山望故鄉。又何似泥人。黃土搗鴻荒。爾既非木人。刻劃孝子傷。大有似草人。縛射酒徒狂。左曰奸相檜。比肩妻氏王。右爲万俟卨。屈鄴俊也張。鬼神無所禱。夫婦聚成行。誰作跽而請。直欲走且僵。恨鐵不鑄矛。以刺賊臣頭。恨鐵不鑄鐘。以銘將軍功。痛飲黃龍府。鐵不鑄樽俎。招魂五國城。鐵不鑄燈檠。而獨鑄胚胎。屈鐵鐵跪階。傷心南渡事。一十二金牌。

西湖水清見底游魚可數客有譽湖爲絕勝在是者僕意殊不然也作詩喻之

江海青蒼混太虛。西湖猶得視溝渠。水真綠淨不可睡。畢竟能容幾箇魚。當年修築爲田塍。唐宋諸賢攬轡澄。若話水光三昧事。世間還有玉壺冰。雖是空明絕世姿。藕根萍葉也離披。蜻蜓管甚閒消息。卻遣朝朝立釣絲。仙山樓閣望中開。魚鳥雲沙倒影回。爭似本來無一物。菩提非樹鏡非臺。

湖上曉起

荷花一萬柄。開在水當中。路入孤山社。門迴曲院風。露華珠徑寸。峯影翠連空。清曉無機事。白鷺如老翁。張伯治自寫姬人杜者爲憐影圖索題乃取玉谿金荃詩句以爲緣起凡四首

對影聞聲已可憐。義山句。花飛釵動本天然。分明綵筆朝雲夢。難得郎君手自傳。
會謂無雙今兩身。飛卿句。影中人對畫中人。畫中遮莫銷魂者。況箇銷魂是常真。
小姑居處本無郎。義山句。十樣圖催一面妝。似此娉婷嫁張碩。前身必是杜蘭香。
一夕橫塘是舊遊。飛卿句。桃花潭水水潭頭。如何已載西施去。更向西湖寄玉鉤。伯治頃來杭州。即寄此圖還吳。水潭頭。則杜所居也。

飛來峯歌

飛來峯。來何從。或云中天竺國靈鷲東。白猿呼之躍而出。至今湧現青芙蓉。飛來峰。來何意。乃造三天竺。山靈隱寺。一動一靜石不言。打盡葛藤無一字。飛來峯。來不飛。當時不飛來。在彼國中亦足奇。由此一念錯。墮落三菩提。有朝飛還天竺國。城郭猶是人民非。飛來峯。飛不去。不去亦不住。記得飛來是何處。來如雲在天。去如藤倚樹。來時一笑天竺山。去時八萬四千路。飛來峯。來何爲。飛來峯。去安歸。君不見空青天。半落峨眉。何曾飛到杭州來。

宋小茗孝廉咸熙見訪。竝貽尊甫學古集牧牛卮舍外集遺詩二種。感此賦贈。

見君如見故人時。況有千秋兩卷詩。一字謹嚴皆手定。十年契闊此心知。曾因標格逢人說。再到湖山恨我遲。稍喜傳經心事在。風流儒雅亦吾師。小茗精經學。所著甚富。已刻有古周易音訓二卷。頃以見貽。

晚歸湖上看雨有作

錢塘門外水粼粼。細雨斜風趁釣輪。若把西湖比西子。湖心亭是捧心人。
遠山一角尚斜陽。咫尺陰晴未可量。若把西湖比西子。若邊麗服那邊妝。

奉別梁山舟先生

十年前泛西湖。但見西湖不見佛。已未歲自吳入楚。夜泊段河頭。遇明即渡江去。靈山一會花笑拈。靈光一殿仍巋然。老學菴中人不老。兼有一身儒釋道。參同契守三庚申。造榜天逢兩丁卯。先生丁卯重宴鹿鳴。先於邵舍人家壁上見。前丁卯浙江鄉試錄一紙。題名是科有周天相者。重宴鹿鳴。亦錢塘人也。此事最奇。可入嘉話錄。遂教書掩文章名。南宮北海皆成精。李亂之記序。米芾之韻語。並皆巧妙。而爲字所掩。世不深知。我求公墨兼求筆。千秋從此成雙絕。時乞先生寫舊作。昨來徑上雲林堂。一卷車後塵垢囊。甚欲頭低謝宣郡。居然身遇賀知章。頃以拙作就覽。矜許有太白再生之目。懷中一刺。今何處。恩恩拋得杭州去。歸掉扁舟夸向人。原來佛在西湖住。

書洪更生勝眼所撰督師李忠毅公長庚墓志銘後

兩石強弓一字丁。樓船海水老龍腥。碧埋無地神仙骨。白掃經天上將星。盈篋謗書兵氣墨。終篇本傳史才青。玉門關外生還者。留與將軍勒此銘。洪於戊辰撰文。已已逝世。
天子門生宰相書。賜環恩重此生餘。老爲江海三年客。身是乾坤一腐儒。鵠版盛名開筆陣。雞碑妙迹入堪輿。忠毅墓志爲梁山舟學士書。戴金谿比部篆額。丹青粉墨招魂徧。可有紅簫墮下居。

西泠講舍與桂堂錄別

已見西湖又見君，來時烟月去時雲。山林經濟紅藤杖，文字因緣白練裙。曾與花神同眷屬，講舍毗連花神廟。忽隨漁父唱離羣，秀州不隔蘇州路。期得吳淞水半分，時桂堂將還松江，余返吳門，相約放棹計程，當在嘉興分路。

崇文書院前樓塑祀四賢爲唐李鄴侯白文公宋林和靖先生蘇文忠公余小住旬月時獲觀仰乃

於回欄日各附一詩

六井誰先鑿，唐朝李鄴侯。斯人纔一出，其利已千秋。身有神仙骨，功兼將相儔。峴山羊叔子，魂魄定來遊。但代嚴休復，愁逢李贊皇。湖山春管領，祿俸吏收藏。白公罷杭，俸多留官庫，繼守者公用不足，則假而復填如是者五十餘年。官自中朝貶，詩從外國償。白公隄上去，留得地皮香。

高士結廬處，孤山山不孤。上書無北闕，招隱有西湖。香月梅花社，丹青放鶴圖。同時陝郊寺，還得似君無。初判熙甯日，重知元祐年。官情無後輩，香火亦前緣。不負二千石，能銘六一泉。至今遺愛在，誰解宿湖船。

依韻奉和甌北先生重宴鹿鳴詩四首

做官閒暇做詩忙，肥豚春秋有勝光。王通家以午爲名勝光見吳越春秋，上巳簪花初及第。公乾隆辛巳殿試第三人，後庚選佛又開場。神仙無病纔難老，富貴能文便可長。欲認同鄉徵故事，鹿鳴三拜答諸郎。戊午家伯父觀察蔗堂先生重宴鹿鳴，丁卯學士翁覃谿先生重宴鹿鳴，皆籍大興，公實中式前庚午順

天鄉試云

家住江南黃葉邨。敢將凡鳥字題門。上春曾謁公於里第。三朝人物星占瑞。千古文章日近恩。公官中書。嘗直軍機及改翰林。亦備侍從。足底雲烟靈運屐。眼中庸保長卿禪。嘉賓到處成嘉話。親向西湖見許渾。梁山舟先生。於丁卯重宴鹿鳴。頃在杭州謁見之。年八十有八矣。而如五六十許人。

卻從後進憶前程。百二韶華孰重輕。文苑傳兼循吏傳。句讀聲接凱歌聲。戎輅六詔曾傳檄。仙籍三天早注瀛。多少埋頭鑽故紙。算公不負此鐙檠。

中年烏哺晚鷗盟。一往深時自有情。五福最先惟老壽。此人尤異豈科名。官階天上親通籍。公嘗言自臆唱散館。以至外擢都守監司。皆出自聖恩特簡。無他薦舉者。詩律人間敢背城。若作同年真怪事。三聲雞鳳一時鳴。公兩子一孫。今科皆與省試。

寄懷玉壺山人

梅花開時別君去。君在梅花香裏住。恩恩八十一胭脂。落花無言夢君處。君住吳淞我吳會。此水東流一衣帶。夢中相見醒相思。起對梅花三百拜。一枝初贈江南春。秋風彈指思鱸膾。雖然滄海難爲水。幸有天涯作比鄰。謂姜大曉泉在弊居道南。祇隔一牆。畫中有詩。詩有畫。詩亦無題。畫無價。若教一字易一緡。畫君與我梅花下。

四詠閣圖爲戴甥貞石題。閣爲甥清風涇故居。今既易主。自寫此圖。

水竹三分屋二分。昔年高詠散如雲。卻將此地蘭亭敘。寫入羊欣白練裙。
清風明月價錢無。到處園林似畫圖。只此臥遊良亦好。但驅烟墨不健租。
棄家容易買田遲。紙醉金迷彼一時。畢竟流傳無別物。絳州園記輟川詩。
老我平生萬里遊。山居也待畫中留。相逢失笑何無忌。四十年前大石頭。
仲墨書爲余作留待山居圖。余生大石頭巷。今此屋亦已三易主矣。

平望陳愛廬枉書寄示尊甫亦園寄曠廬遺詩刻集多不佞昔所商定者展誦終篇感歎彌襟

腸斷鄰船一笛塵。呼童重與損文鱗。別離已是成前世。著作猶能付後人。但有雕蟲留篆刻。更無捫蝨話酸辛。虎邱山色驚湖水。彈指華嚴涕滿巾。

吳淞江上卽天涯。未抵山陰雪後槎。作序頗知心鄭重。開函忽訝字天斜。
前歲余在松江。繼君詩卷自隨。且爲作序。君來訪余吳門。力疾留書而去。既卽委化。此序君固未見也。文章千古拋心力。懷袖三年感鬢華。當作荊州段柯古。女青男紫自成家。

錢堯石侍郎藍筆畫蕙爲何芸生秀才。恩照屬題上有自題云。乾隆丙戌科。載蒙恩點入內簾校士。

閱卷已竣。獨用藍筆寫蕙花一叢。以自賞。三月廿八日。翰林學士秀水錢載。又墨筆題云。癸卯之秋。予告歸里。重九後三日。雨窗無事。檢閱舊篋中。得見此幅。丙戌所寫。已十有八年矣。邇來年邁。猶

不能有此勁挺之筆。故重識數語存之。

分得三條燭。拈來一瓣香。紅邊逢杏闌。黃處趁槐忙。四十年前作。三千里外藏。離騷經注得。銷暑與重陽。
想見含豪者。風流忽邈然。染袍新柳汁。開勝蔚藍天。青眼曾如此。紅心祇自憐。有人傳綵筆。花樣不同前。
紀夢詩爲單二治中作

單嘗夢至一處。詠詩云。偶然出世便忘家。竹籬松風景自華。滿地白銀皆片石。一天紅錦是殘霞。
蓋卽事書所見也。甫就四句。有觸而寤。

一詩未就一夢醒。卽以夢醒爲詩成。金剛偈子只四句。有句無句。嘗惡趣。當君入夢時。未起作詩念。及君
題詩處。請以此夢驗。一剎微塵一劫灰。虛空排出金銀臺。補天五色碎於粉。夜深一口紅霞開。此時詩興
紛如織。此際夢魂空卽色。重尋定似武陵谿。微行已到華胥國。詩中有夢夢有時。非詩非夢名希夷。參來
活句三生石。悟得前身一字師。夢中又嘗自改出世爲避世。請下轉語訴眞宰。州不可添詩可改。文字輪
迴八十家。眞靈位業三千載。當君作詩時。未知在夢中。及君夢回日。始覺此句工。君不見寇萊公。到海只
十里。過山已萬重。又不見杜牧之。辭春不及秋。昆腳與皆頭。飲水則常知原。登峯不必造顛。善詩者不解
善夢者不占。治中別駕龐士元。神仙宰相李長源。出世如出籠。忘家如忘筌。楞嚴經裏現身說。峒嶼碑中
散手還。久旅忘家。胸懷碑文。

可惜

可惜當年醉舞盤。可憐今日曉梳鬟。楊枝駱馬誰能遣。蓴菜鱸魚且未還。輒喚奈何三弄笛。不如歸去一

重關連鴻不語頻。雲語腸斷浮沈晏小山。

題霍小玉小像

一代紅顏一曲釵。朝雲樓閣夕陽街。誰知好夢蘇姑子。腸欲將身作錦綵。
定情主簿太恩恩。腸斷青門老玉工。十二萬錢容易得。一餐無價此圖中。
櫻桃花下新婚別。豆蔻梢頭薄倖名。昨日黃衫今紫襪。英雄兒女各吞聲。
人間外傳里中娘。往事重尋勝業坊。此是紫烟新樣子。銷魂顏色返魂香。

醒蕪香影圖

陳雲伯攝今常熟訪得河東君墓既修而刻石記之復繪斯圖徵詩爲題四首。

山上蘼蕪逐漸繁。欲魂縈骨望平原。前身合是白楊樹。此地可憐金谷園。花散維摩空悟道。海填精衛忽
償冤。分明三見螺桑後。霜鬢麻姑有舊言。

縵得巫山一段雲。曉然春夢太紛紜。殘山賸水黃天蕩。豪竹哀絲白練裙。豈意文章成浪子。有人夫壻擅
將軍。祇陀錦樹橫波詠。不及吳軀紀我聞。

濯纓解佩兩無瑕。宿草依然見落花。墮淚碑非銅爵伎。返魂香在玉鴉叉。紅妝末路鉛華盡。青史名山劫
火譁。莫話真娘少年事。一堆黃土似蝦蟆。

香徑重徘徊。珍珠密字三生石。風雨高樓八斗才。本事詩中圖畫好。招魂曲裏佩